

4

D I E S
MAGNIFICI, NOBILISSIMI
DNI. ANDREÆ
BAUMGARTEN,
REIPUBLICÆ THORUNI-
ENSIS CONSULIS SENIORIS,
JUDICII NOBILITATIS TERRE-
STRIS CULMENSIS
ADSESSORIS,
GYMNASII SCHOLARCHÆ,
NOMINI SACER,
CELEBRATUS.
à
^(cop)
G. WACHSCHLAGER.

THORUNI,
Typis excusa à JOHANNE COEPSELIO, *Anno M. DC. LXXII*



Itia munificæ meritorum semina dextræ
Credidit ingratis quicunq; improvido agris,
Tristia frustratæ queritur dispendia curæ:
Et mea longævo Pietas tumulata profundo,

Atq;ve Tuæ laudum retinens Virtutis arundo,
Quam sterili jaceat, memorant, Tua gratia gleba.
Non mihi tam duro mens est composita metallo
Admissum celare nefas, quin noscere culpam,
Et studio maculam decretum tergere forti.
Jamq; precor noxæ veniam, reverentia tantum,
Atq;ve sibi metuens si diffidentia Crimen
Audiat, iste meas nunquam tardare Camœnas
Sufficiat posthæc terror, cui gloria stabit
Obsequio; Cirrhæ divos nunc pande recessus
Phœbe Pater, fontisq;ve Tui pia labra liquore
Tinge, loqvax venisq;ve meis infunde Falernum.
Ingens Virtutis magnæ sulcabitur æqvor,
Tu ni vela regas, medio mea carbasa fluctu
Indiga ventorum, cursusq;ve incerta natabunt.
Consule quæ formas hominum Facundia lingvas,
Vnde mihi tantæ surgent primordia causæ:
Vt labyrinthæos inter qui mille viarum
Theseus Mœandros, ni sit comitatus amore,
Ignarus dubitansq;ve petit, num pergat, an idem
Passibus inversis retrò vestigia flectat:
Sic ego multiplici confusus imagine rerum,
Nominis ista Tui demiror fulgura, quali
Conficiam gressu, tanti conaminis ausus,
Ancipiti volvens animo: tenerosne Juventæ
Expediam lusus, animæ præludia magnæ:
An prætextatas curas, clavoq;ve dicata
Tempora: seu blandos virtutum carpere flores
Consilium valeat, constansq;ve hisnectere Sertum.
Quo capiti imposito, tam læti gaudia Solis
Crescant, atq;ve Tuis constent solennia festis.

Optimus iste tamen qvi legum nescius ordo,
Hic ubi nil medium, parvum nihil, omnia magna.
Sive mihi variis sese prudentia formis
Offerat, innocuos plebis quæ ferre fumores,
Aut, instar fluvii, vitiorum gurgite raptam
In gyrum revocare docet, sensimqve beatis
Effroenes animos legum componere iussis;
Seu libertatis pretium defendere dura
Sors jubeat Patriæ, gemmam, quâ quicquid adorat,
Innumeris flagrans hominum malefana cupido
Ignibus, orbis habet totus nil grandius, aut quod
In certamen eat: manet hæc bene facta potenti
Fulta patrocinio, quo non præsentius ullum
Magnus Epirotæ Rector jam dixerat olim.
Eloquio quod tanta Tuo sint commoda parta,
Non hoc Fama modo loquitur, jam lingua tenellæ
Gentis, & imbelli conclamant gutture Matres.
Vidimus insomnes ipsi Te ducere noctes,
Pro Patriæ, civisqve Tuâ vigilare Salute,
Et propriam vestro capiti sacrare quietem.
Ipse fero Livor qui sivevit rodere dente
Ingenio majora suo, Tua carpere facta
Nescit, & impuros in Te non exerit artus.
Hoc opus, invidiam supra, Momosqve favorem
Cunctorum meruisse, decus Numenqve vocari
Urbis, amor populi, portus, fidusqve serenum.
Promite terribiles, immitia signa, secures,
Densis licitorum pressi Capitolia turbis
Scandite Romulidæ, vultu cilioqve minaci
Vos timeant vestri, veluti cum fulminis ictu
Horruit intentus campis operiqve colonus.
Hæc Dictatorum fasces, equitumqve Magistros,
Natas imperiis sapiunt, non civibus artes.
Dispereat metus ille cui cunabula dulcis
Non substravit amor, vox illa Tyranni,
Contemnens odium vani secunda timoris.

Non tam falsa Tuas implerunt dogmata fibras,
Nobilius Tu carpis iter, certare paratus
Officiis, placido superans & marmora vultu.
Hinc Tua non segni calcantur limina planta,
Concurruntque suæ quos inclementia Sortis
Opprimit, afflictos quæverulâ dimittere fronte
Natus Te prohibet miseris succurrere sanguis.
Quid mihi, quæ pereunt, jactas documenta bonorum
Musa, refer Superis ipsis quæ mente placere
Gestiat? o gratum coelo & pietate verendum
Exemplisque caput, vitæ vestigia tentet
Scruteturque Tuæ, quem flamma sacratio urget
Fortius, hic sanctum fixit Sapiencia Regnum
Reclufitque suum, non falso nomine, Gangem.
Vis majora canam? vix his majora canentur,
Plura voles fortasse, manus, justique tenacem
Intactamque fidem, non devictumque malorum
Turbinibus pectus, quicquid complectitur ingens
Virtutum Pelagus, quorum vel singula laudis
Materies foecunda; rudi sed pondera tanta
Credere non ausim calamo, jam nostra fatiscit
Calliope, nimiumque alto commissa minatur
Naufragium, tutæ ni quæram littora terræ,
Concusamque ratem forti liget ancora morfu.
Sublimi rapiant inter Te sidera penna,
Implebuntque Tuis hæc sublunaria gestis,
Bellerophontæi fluxit quævis unda caballi
Vberiore penu, vivo pingentque colore,
Quas ego non doctis signavi ductibus umbras.
Parce voluntati, quam si Fortuna carere
Successu voluit, Pietas excusat amantis.
Vive diu! nunquam redeant Tua nomina, blando
Quin Tibi Sors melior convertat lumina risu.

